

مصر والیسنه خطاباً بر خط شریف احسان و مضمون خط منیفده
مترجم مذکورہ « رفاه اوزرہ حج ایتدیرمک مراد هایوندر حج
مہرورندہ سعی مشکورکز بیله بولنق مطلوبدر » دیوکتب و تحریر
بیورلمغله حج شریفہ واروب کلنجه هزار اکرام و جلب خاطرندہ کاینبنی
اہتمام اولہرق حج شریف ایتشلردی . (تحفة الحرمین) نام تالیف
جیلاری اول ائنادہ رھرو حج بیت الحرام ایکن سبک و تالیفی خدمتہ
قیام ایلمشلردی . حج شریفدن کلدکلرندن صکرہ بر مدت دخی پاشای
مذکور حضر تارینہ کتخدا اولوب کتخدا القدن معزول اولدقلرندن
صکرہ بنہ کالاول مکرم و باب سعادتلرندہ منظور کرشمہ چشم التفانلری
اولوب محترم اولمشلر ایدی . بعدہ اول ایام کرور اعواملہ منقلب
اولدقدہ مدینہ حلب الشہادہ بسط قالیجہ سکونت و مدت مدیدہ اول
بلدہ اختیاری اقامت ایلیوب طرف رومدن بالکلیہ اظہار فراغله اول
محلدہ اسایش و ایراد و مصرفی بر قالبہ افراغ ایتمشکن بالطہجی محمد

پاشا مرحوم ایکی صدارتینک میانه سنده حلبده والی ایکن ذات معرفت
طالبری ایله کمال صحبت و الفت ایدوب پاشای جلیل القدر مرقوم
طرف دولت عالییه مهر ایله دعوت بیورلدقده مترجم مرقومک استانبوله
گئسنی ارزو ایلدوب اول سبب ایله ینه دولت عالییه کلوب مرحوم
حضر تیرینک زمان صدارت لورنده باش محاسبه جیلک منصبی ایله اکرام
اولنوب سنه بیك یوز ^{یلری} درت تاریخنده مدینه قسطنطنیهده انتقال و دار
فادن حضور کاه بقایه ارتحال ایلدیلر . حتی شوبله روایت اولنورکه
انتقالدن بر قاق ساعت مقدم (نابی بحضور امد) گفتارین ترانه سنج
فغان ایدرکن انتقال ایامشیر . گفتار مرقوم حساب اولنوب تاریخ
وفاتی اولمغله ثبت و تحریر اولمنس . لسان تصوفدن آگاه بر پیر محترم

و عرفانی حق بوکه مسلم ایدی . اکر عرفانی قدر فضیلت ظاهره سی
و جولان همتی قدر معرفت باهره سی اولسیدی نضاده دخی کمالی کبی
علم و بین الشعرا مسلم اولدینی کبی بین الفضلا دخی نادره عالم او اور
ایدی . لسان فارسیده و زبان ترکیده و فصاحت عربیده ذهنی چالاک
بر جوهر پاک صاحب طبع دراک ایدی . دهانندن صادر اولان کلام
موزون مجلدات اولغه متحمل و بر سالدن بر ساله وارنجه گفتار سنج
اولدینی آثار بر آسه بر دیوان مستطاب اولق قابلدر . بو گفتار ملاحظت
نشار مترجم مرقوم ایله دیار حلبدن قسطنطنیه کلدوکی و قتل الفت
و صحبت اولنوب بو فقیردن زمین آتی الذ کرده بر غزل صدور و عرض
حضور لری قلدیغمز پسند بیوردیلوب تنظیر و کندی قلملریله دیوان
فقیرانه مزک کنارینه تحریر بیوردقلری غزل بینهظیردر :